

Drukai zuku na mkedrisa cbake

Drukai zuku tisalekaneni ku yieneyiani takeplenge musobaka:“avé ka pakebibinia mkedrisa cbake, sessa sovlé si abéya, kné sovlé abéya ka amani Drukai zuku ku salikaneni yiene iconi.” iké kdridrimini Drukai zuku, ina mkedrisa cbake amani ku tisalekani técavnatama. lakmani ku makecicingéna na spakereva kini.

iku yienela ku sakikéta ka takethadra talalé thkadane ikédia na mkedrisa cbake. iku ikédia cbake mragi, makurathe, si skodropi ka pikédia pikilivu timagare cbake, yiakemangmani na makecingé, ina ikédra saplangne ka amani ku makecicingéna na spaburolo, tumanidia ka lomumu ku abakdra ka ikélania cbake modripi. sukédra ina abéya cikileta sapalangne ikuturédra ka nugiamanga svagé dane, susarkénga na cbake mkedrisa. nangamia dresinge ku pleng si sotadedria ku pleng mwa ku dadra na dane. cbake mkedrisa ka idurunia kecanenga depe, takethadra na ikédra makecingé ku tatuméyiadra ka, lasaduru mra drisidrisi, pitibura.

cbake mkedrisa iké thuthu ku mangululane ku tumaneni, sesa ka, sovlé mkedrisa cbake apuwadria potise na sura plingi, avé si ticicico. skadrusa ka: abéya mkedrisa cbake, tithuthudia bunuku bcerka latulunglunguru iké na cingira. skaturu ka sovlé abéya mkedrisa cbaki, ikédria tumanedra na sovlé

si abéya.

Drukai zuku ina nusarkémininia cbake mkedrisa masikiululane tumaneni. cbake ku iké na tésurusuruane sura plingi, si liké ubunuku na thuthu ka amani sarkiké ku buruene. apwadia pisikrikri na silivi. ikidri ka sarkiké mlegise ku témagaradra na plingi, takethadra talaléna si talalé ku thkadanedra ka ikédia kidri, ina drumanenga na ico kakolu ka iduru mra depe. si iku apuwane tususura na sura plingi ka spaigudra talaléna si talalé thkadane ku skarageredra. pikilivudia técavenadrama. luva ku iké na tokere na spasingo sangkaku atakarnadra si matumé kidridrimimia tokere ku buruenela ka, tumai amani na talalé si tlalé thkadane ka makicinngé kidri. amani kidri ku talaléna, tlalé thkadane ku sipakilivudia iké na makainunga. matumé ku tumanedra ku drudrusa takthadra ikédra makicinngé na legese si saplangne ka pubueledria pcngle mlegise. ina tédra ku sepakervéyia na cbake tekere ka amani ku tépékika tbava tacilara si tupwa podring skele na kene.

(文章大意 僅供參考) ※字數限 200 字

魯凱族的陶壺

太陽讓陶壺受孕，孕育出一對男女，這對男女是魯凱族的祖先，是起源神話，陶壺是祖先的化身，也是最珍貴的藝術品。傳統上貴族才能擁有陶壺，陶壺代表身分地位，不只是尊貴的象徵，也是重要的聘禮。因祖靈是活在陶壺裡面的，當女性族人結婚，要跟祖家分開的時候，必須用陶壺來接神或是迎神，迎到另一個家，平常不會碰觸，只在特殊時候才擦拭。

陶壺主要分為三種，第一個為公壺。第二個是母壺。第三是陰陽壺，陶壺的使用有不同的性質。